



ИСЛАМ және оркеншет

Қазақстан
мұсылмандарының
діни-танымдық
газеті

№ 10 (118)

1-10 СӘУІР, 2008 жыл.

Газет 2000 жылдан қазан айынан шыға бастады.

www.muftyat.kz

Газетте Құран аяттары мен пайғамбарымыз Мұхаммедтің (с.ғ.с.) хадистері жарияланғандықтан, оған құрметтеп қарап, аяқасты етпеулерінізді сұраймыз.

ретінде танылған-ды.

Мекке халқының кез келген біреуі сапарға шығар болса, қолындағы ең құнды заттарын еш күмәндандыстан Пайғамбарымызға (с.ғ.с.) аманаттайтын. Пайғамбарымыз (с.ғ.с.) аманатқа қиянат жасамаған. Өйткені, оның дінінде аманатқа қиянат ету, уәдеде тұрмай және жалған сөйлеу – екіжүзділіктің белгісі саналатын. Тіпті, Пайғамбарымыз (с.ғ.с.) Меккеден Мәдинаға көшуге мәжбүр болған кезде де Мекке халқының қолындағы аманатын иелеріне тапсыру үшін хазреті Әлиді (р.а.) орнына қалдырыған.

Осылайша Ол (с.ғ.с.) өзіне қарсы шығып, тіпті өлтіруді жоспарлап, елінен, жерінен кетуге мәжбүр еткен пенделердің де аманаттарына қиянат етпеді.

Ол (с.ғ.с.) осындай сенімділігі түркесінан да керемет үлгі-өнеге қалдырыған ізгілікті жан еді. Фасырдан фасырға, ұрпақтан ұрпаққа таусылмас жырға айналған Аллаh Елшісінің (с.ғ.с.) тағы бір үлгілі қасиеті – кішіпейілдігі мен кіслік келбеті еді. Бос сөзден бойын аулақ ұстаған мейірім Пайғамбарының (с.ғ.с.) пайдасыз нәрселерді сөз еткеннен ғөрі үндемей қалудың абзальық екендігін жөн санайтын. Сөйлегенде сөзін байыппен терең толғанып айтатын кісі екендігі анықта айқын аңғарылатын. Сахабалар Оның (с.ғ.с.) аузынан шыққан әрбір сөзді қалт жібермей жаттап алуға тырысатын. Манызды нәрселер жайлы айтқанда Аллаh Елшісі (с.ғ.с.) ол сөзді үш мәрте қайталап, көнілдерге құя түсетін. Бос сөзді былай қойып, екі әлем Сардарының (с.ғ.с.) қатты дауыс шығарып күлгенин де ешкім көрмеген. Ол (с.ғ.с.) тек езу тартып, сондай бір жылы шыраймен жымып кана күлетін.

Ол жайлы Абдулла ибн Харис: “Унемі күлімсіреуде Одан еткен ешкімді көрмегім”, – дейді. Оның (с.ғ.с.) біреудің айбын бетіне басып, кемшілігін жүрт алдында әшкерелеп, бір нәрсе үйреткенін ешкім де көрмеген, бұл Оның (с.ғ.с.) табигатында жоқ нәрсе болатын.

Аллаh Елшісінің (с.ғ.с.) кішіпейілдік келбетінің бір мысалын мына бір оқиғадан көрүімізге болады. Кішіпейілділігі сол, көбінесе Оның (с.ғ.с.) мешітіне келгендер, Пайғамбардың (с.ғ.с.) кім екенін біле алмайтын, тек сахабалардың қимылдарынан, яки Ол (с.ғ.с.) сөйлей бастағандаға фана барып, Аллаh Расулы (с.ғ.с.) екенін айыра алатын. Хижрат заманында хақ Пайғамбарды (с.ғ.с.) көрмеген мәдиналықтардың көбісі сол құні Әбу Бәкірдің (568-634) қолын суюғе ұмтылған еді. Бірак ол қолына желпуіш алыш Пайғамбарымызға (с.ғ.с.) қарай желпи бастағанда барып, Аллаh Расулының (с.ғ.с.) кім екенін аңғарған-ды. Өйткені Аллаh Расулы (с.ғ.с.) өзін Әбу Бәкірден ерекшеленетін ешқандай бір қылық көрсетпеген.

Оның (с.ғ.с.) қарапайымдылығын төмөндегі хадистен де көруге болады.

Хазреті Айша (613-678) ана-мыздан риуаят етілген бір хадис бізге былайша жеткізеді: “Аллаh Елшісі үйінде жай адам секілді еді. Өз киімін өзі жуып, аяқ киімдерін жөндейтін. Және де үй істерінде әйелдеріне көмектесетін”.

Осы кезде әлемнің төрт тара-пына Пайғамбарымыздың (с.ғ.с.) аты жайылып, әркім Оның (с.ғ.с.) діні жайында әнгіме етіп жатқанды. Ол (с.ғ.с.) уақытын өте орнымен пайдаланатын. Сондықтан да маңызды істер арасында үй іші шаруаларына да уақыт табатын. Хақ Пайғамбар (с.ғ.с.) әрбір тамаша сипатының шыңында отыруға лайық еді. Және солай болды да.

Кезінде махзумилер руының бір әйелі ұрлық жасайды. Құрайыштар текті әзулеттен шыққан бұл әйелді жауапқа тартпауды ойластыра бастайды. Пайғамбарымыз (с.ғ.с.) Усама ибн Зәйдті ерекше жақсы көретінін білгендіктен, араға соны салды. Ол әйелді жазаламауды өтініп, Пайғамбарымызға (с.ғ.с.) келеді. Пайғамбарымыз (с.ғ.с.) сонда Усамаға:

– Осындай алалаушылығы себепті Исаил ұлдары жазаға душар болды. Олар кедейлерге ең ауыр жаза

беріп, беделді және бай адамдарын жауапқа тартпайтын, – деді.

Пайғамбарымыз (с.ғ.с.) әділ үкім берерде ақсүйек, шаруа, не болмаса мұсылман, көпір деп ешкімді бөле-жармай, тең қарайтын.

Ол (с.ғ.с.) өте қарапайым еді. Бір күні сахабасы Абдулла ибн Юср Аллаh Елшісінің (с.ғ.с.) үйіне барады. Баруын барғанмен, әз Пайғамбардан (с.ғ.с.) қатты жүрек-сініп, жанарын тайдыра береді. Оның қорқып, аяқ-қолы дірілде-генін көргенде әлемнің ардақтысы (с.ғ.с.): “Бауырым, қалтырама! Мен патша емес, құрайыштың қатқан нан жеген әйелінің ғана баласымын гой”, – деген.

Аллаh Елшісі (с.ғ.с.) мұсылмандар арасында ең қадірлі адам бола тұра, қыныншылықтар ортасында жүрді. Үш күн бойы нәр татпастан аш жүрген күндері жіңі кездесетін. Ол (с.ғ.с.) сондай-ақ, өте биязы жанды. Өзіне тас лақтырып, ауыр азаптарға душар еткен дұшпандарына да мейірімді бола білген, ұстамды да ұлағаты мол ұстаз-ды. Үмметтеріне айтқан өситеттерін жүзеге асыруда қөшбасшы болды. Ораза ұстауға әмір берсе, алдымен өзі ораза ұстап, бас-қаларға үлгі бола білді. Намаз оқы десе алдымен өзі тунімен аяқтары талғанша намаз оқып, үмметтеріне ұзақ дұға ететін. Зекет беруге әмір еткенде де мал-мұлкін Аллаh жолынан еш аямады.

Жомарттық пен әділдік айнасы бола білген Адамзаттың асқар тұлғасынан өнеге алған жолдастары Ол (с.ғ.с.) дүниеден өткеннен кейінде әрбір істерінде Оны (с.ғ.с.) басшылыққа алып, үкім бергенде де Оны (с.ғ.с.) үлгі ете білді. Аллаh Елшісі (с.ғ.с.) өзіне тіл тигізіп, дөрекі сөйлегендерге жаза орнына кешірім етіп, олардың жүректеріне ислам қақпасын айқара ашты. Айтқан әрбір сөздері жүректерге қамбадай төгіліп, істеген амалдары ақиқат жаршысы екендігін баршаға паш етіп, оған деген махаббатты қөнілдерге құя берді.

Пайғамбарымыз (с.ғ.с.) – тамаша тәрбиеші де еді. Оның (с.ғ.с.) тендессіз тәрбиешілігінің алдында бүкіл әлем бас иеді. Пайғамбарымыз (с.ғ.с.) Араб түбегі қаранғы қоғамын бар-жоғы жиырма үш жыл ішіндегі тәрбиелеп, жетілдіріп әлемге үлгі болар қоғамға айналдырыды. Әбу Бәкір, Омар, Осман (575-656), Әли (600-661) секілді жүлдіздай жарық та, биік сансыз тұлғаларды жетілдіріп, ғаламға кәміл адамның үлгісін көрсетті. Тайпа-тайпаға жіктеліп, бір-бірімен қырық пышақ болып қырқысып, бітпейтін қан дауына бой алдырыған бұл қоғамда сөйтіп нағыз бауырлық пен ағайындықтың бейбіт туы желбіреді.

Қоғамының қанына сінген адам-гершілікке жат әдет-тұрыптардың тамырына балта шауып, жоқ етті. Пайғамбарымыз (с.ғ.с.) осындай тәрбиеші, осындай ұстаз еді. Ол (с.ғ.с.) адамдарға ешбір істі зорлап мәжбүрлеп істетпеген. Айналасына жиналған нұр жүзді сахабалар Оның (с.ғ.с.) аузынан шыққан әрбір сөзді жан-жүректерімен қабылдан, жүзеге асыру үшін, керек болса, жандарын да пиде етуге дайын тұратын. Оның ұстаздығына тәнті болған Мугаия ибн Хакам атты сахаба: “Одан асқан керемет мұғалімді бүрін-сонды қөрмегім. Ол мені зекіп ұрыспады және қол жұмсан ұрмады”, – дейді.

Пайғамбарымыз (с.ғ.с.) керемет психология еді. Ол адамдардың қоғамдағы дәрежесіне, ақыл деңгейі мен түсінігіне және мінез-құлықтары мен құбылмалы көніл-күйлеріне қарай сөз таңдап, уақыт белгілейтін. Міне, сондықтан Ол (с.ғ.с.) кейде бір ғана сөзімен заманының заңғар тұлғаларының жүргегіне жол тауып, көніліне Исламға деген сүйіспеншілік отын маздататын. Барлық сахабага жүргегінен жеке орын беріп, ерекше назар аударғандықтан, әрқайсысы езін “Пайғамбардың ең жақсы қөрмегін адамы шығармын” деген ойда қалатын.

Пайғамбарымыздың (с.ғ.с.) әрбір қимылы, әрбір сөзі, өмірінің әрбір сәті барша адамзат үшін үлгі-өнеге екені сөзсіз. Әрине, Мұхаммед (с.ғ.с.) секілді әз пайғамбардың ерекше гибратты қасиеттерін сипатташығы, мінез-құлықты жайлы айтып тауыс мүмкін емес, сол себепті әнгімені осымен тәмамдаймыз.